

«Հաղթանակ» կուսակցությունների դաշինք

“Victory” Alliance

Հայերեն՝ ՀԴ, Անգլերեն՝ VA

ՎԱՂԱՐՇԱՊԱՏ ԽՈՇՈՐԱՑՎԱԾ ՀԱՄԱՅՆՔԻ ԶԱՐԳԱՑՄԱՆ ԾՐԱԳԻՐ Թեկնածու՝ Սևակ Խաչատրյան

ՏԵՍԼԱԿԱՆ

Էջմիածին քաղաքն ու նրան միացած գյուղերը պետք է դառնան համերաշխ, փոխկապակցված և հավասարապես զարգացող համայնք: Ամեն բնակավայր՝ լինի այն մեծ քաղաք, կամ լեռնային փոքր գյուղ պետք է ունենա նույն հնարավորությունները՝ ապրելու, ստեղծագործելու և զարգացնելու սեփական տնտեսությունը:

I. ԿԱՌԱՎԱՐՄԱՆ ՆՈՐ ՄՈՏԵՑՈՒՄ

1. Թափանցիկություն և բաց կառավարում

- Համայնքի բյուջեի բոլոր ծախսերի հրապարակում՝ ամսական հաշվետվությամբ:

- Առցանց հարթակ, որտեղ յուրաքանչյուր բնակիչ կարող է տեսնել ընթացիկ ծրագրերը, իրենց ֆինանսավորումը և առաջարկել փոփոխություններ:

- Բոլոր մրցույթների և տենդերների բաց ընթացակարգեր:

2. Մասնակցային կառավարում

- Յուրաքանչյուր գյուղում ձևավորվող «Գյուղական խորհուրդ», որը կհավաքվի ամիսը՝ մեկ անգամ և համայնքապետարանին կներկայացնի տեղական խնդիրների և առաջարկների փաթեթ:

- Տարեկան բյուջեի առնվազն 10%-ի ուղղակի բաշխում բնակիչների քվեարկությամբ (մասնակցային բյուջե):

II. ՏՐԱՆՍՊՈՐՏ ԵՎ ԵՆԹԱԿԱՌՈՒՑՎԱԾՔ

1. Ճանապարհների հիմնանորոգում

- Լեռնային և դժվարամատչելի՝ Արագած, Լեռնամերձ, Մոնթեավան գյուղերի ամբողջական ասֆալտապատում, ձմեռային անցանելիության ապահովում:

2. Հասարակական տրանսպորտ

- Հաճախականության բարձրացում և գիշերային երթուղիներ՝ Էջմիածին–Աղավնատուն–Մրգաստան–Այգեշատ ուղղությամբ:

- Վճարային համակարգի արդիականացում, քարտային վճարումներ և հարմարավետ կանգառներ:
3. Ուսանողական ավտորուաններ:
- Հատուկ ուսանողական երթուղիներ՝ Վաղարշապատից և բոլոր գյուղերից դեպի Երևան և մարզային բարձրագույն ուսումնական հաստատություններ:
 - Առավոտյան և երեկոյան հստակ գրաֆիկ՝ համադրված համալսարանների դասացուցակի հետ:
 - Ուսանողների համար սուբսիդավորված, կամ անվճար սակագին՝ համայնքային բյուջեի մասնակցությամբ:
 - Ուղևորների անվտանգությունը վերահսկելու համար՝ GPS վերահսկողություն և ժամանակակից ավտորուաններ:
4. Կապ և էներգետիկա
- Բոլոր գյուղերում բարձր արագությամբ ինտերնետ, էլեկտրական ցանցերի արդիականացում:
 - Էլեկտրական հին ցանցերի փոխարինում՝ Դողսում, Հովտամեջում և Շահումյանում:
 - Արևային էներգիայի փոքր կայաններ՝ համայնքային շենքերում և դպրոցներում:

III. ԳՅՈՒՂԱՏՆՏԵՍՈՒԹՅՈՒՆ ԵՎ ՏՆՏԵՍԱԿԱՆ ԶԱՐԳԱՑՈՒՄ

1. Ջերմոցային տնտեսությունների խթանում՝ Համայնքի կողմից շինթույլտվությունների արագացված և մատչելի ընթացակարգերի ներդրում:
 - Համայնքային համաֆինանսավորմամբ և արտոնյալ վարկային գծերով ծրագրեր:
 - Մրգաստան, Արշալույս, Այգեշատ, Գեղակերտ գյուղերում բարձր բերքատվության և արտահանման հնարավորություն ունեցող մշակաբույսերի (լոլիկ, վարունգ, կանաչիներ) արտադրությամբ զբաղվող տնտեսությունների աջակցություն:
 - Տեխնիկական խորհրդատվություն և ուսուցում՝ կլիմայի կառավարման, էներգաարդյունավետության, ջրի խնայողության վերաբերյալ:
 - Արևային ջեռուցման համակարգեր՝ ծախսերի նվազեցման համար:
2. Ոռոգման համակարգ
 - Կաթիլային ոռոգման ներդրում, նոր ջրամբարների և պոմպակայանների կառուցում:
 - Զրային ռեսուրսների միասնական կառավարման ծրագիր՝ հատկապես Գեղակերտ, Այգեշատ, Արշալույս գոտիներում:
3. Գյուղացիական շուկաներ և իրացման ցանց
 - Վաղարշապատի կենտրոնական շուկա՝ մշտական տոնավաճառ և մինի-շուկաներ գյուղերում:

- Արտադրանքի պահեստավորման սառնարանային համալիր, որպեսզի գյուղացին կարողանա իրացնել ապրանքը ոչ միայն սեզոնային գներով:
4. Փոքր ու միջին բիզնես
- Միկրոգրանտներ և արտոնյալ վարկեր՝ մեղվաբուծություն, չրի և պահածոների արտադրություն, գյուղական տուրիզմ:
 - Գործարար դասընթացներ և բիզնես-մենթորություն երիտասարդների համար:

IV. ԱՐՑԱԽԻՑ ՏԵՂԱՀԱՆՎԱԾ ԲՆԱԿԻՉՆԵՐԻ ԱԶԱԿՑՈՒԹՅՈՒՆ

1. Բնակարանային և հողի տրամադրում
 - Չօգտագործվող կամ կիսակառույց բնակարանների վերանորոգում և տրամադրում երկարաժամկետ վարձակալությամբ կամ հետագա սեփականաշնորհմամբ:
2. Աշխատատեղերի ստեղծում
 - Նախապատվություն համայնքային ծրագրերում, ջերմոցային տնտեսություններում, սոցիալական և կրթական ոլորտներում:
3. Կրթական և սոցիալական ինտեգրում
 - Երեխաների անվճար ուսումնական պարագաներ, լրացուցիչ հարմարվողական դասընթացներ:
 - Հոգեբանական աջակցության կենտրոն՝ անհատական և խմբային խորհրդատվությամբ:

V. ԿՐԹՈՒԹՅՈՒՆ, ԵՐԻՏԱՍԱՐԴՈՒԹՅՈՒՆ ԵՎ ՄՇԱԿՈՒՅԹ

1. Դպրոցների և մանկապարտեզների բարելավում
 - Տաքացման և տեխնիկական հագեցվածության արդիականացում՝ Շահումյան, Հայթաղ, Հովտամեջ, Աղավնատուն գյուղերում:
 - Թվային դասարանների ստեղծում, STEM կրթություն
2. Երիտասարդական և մարզական կենտրոններ
 - Էջմիածին և Գեղակերտ՝ սպորտային համալիր, արվեստի և տեխնոլոգիաների ակումբներ:
3. Մշակութային վերածնունդ
 - Տարեկան «Վաղարշապատի օրեր» փառատոն՝ ներկայացնելով յուրաքանչյուր գյուղի ավանդույթները:
 - Գյուղական զբոսաշրջության խթանում, պատմամշակութային վայրերի վերականգնում:

VI. ՍՈՑԻԱԼԱԿԱՆ ԵՎ ԱՌՈՂՋԱՊԱՀԱԿԱՆ ՊԱՇՏՊԱՆՈՒԹՅՈՒՆ

1. Շարժական բժշկական ծառայություններ
 - Շաբաթական այցեր դեպի Լեռնամերձ, Մոնթեապան, Արագած:
2. Տուն-օգնություն՝ միայնակ տարեցների համար
 - Կամավորական ցանց և համայնքային սոցիալական աշխատողների մշտական այցելություններ:
3. Աշխատատեղեր՝ խոցելի խմբերի համար
 - Համայնքային ձեռնարկություններ և հասարակական աշխատանքներ՝ կանաչ տարածքների պահպանում, համայնքի բարեկարգում:

VII. ԿԱՅՈՒՆ ԶԱՐԳԱՑՈՒՄ ԵՎ ԲՆԱՊԱՀՊԱՆՈՒԹՅՈՒՆ

- Արևային էներգիայի ծրագրեր՝ համայնքային շենքերում և ջերմոցներում:
- Թափոնների տեսակավորում և վերամշակում, աղբահանության նոր գրաֆիկ՝ հատկապես Դաշտ, Դողս, Ծաղկալանջ գյուղերում:
- Կանաչ տարածքների ստեղծում, ծառատունկեր՝ Էջմիածին, Արշալույս, Մրգաստան գոտիներում:

- Զրի և հողի պահպանության միջոցառումներ՝ էրոզիայի կանխարգելում, անտառապատման ծրագրեր:

Թափառող կենդանիների աճող թվի խնդիրը լուծելու համար՝ անհրաժեշտ է համապարփակ մոտեցում, ներառյալ ստերիլիզացիան, որին հաջորդում է թափառող կենդանիների բնական միջավայր վերադարձը, ապաստարանի ստեղծումը և հանրային կրթությունը: Բուժման վերահսկողությունը պետք է լինի առաջնային խնդիր:

1. Մասնագիտացված անասնաբուժարանի ստեղծում, վիրահատարանով:
2. Հատուկ ապաստարան վերականգնվող կենդանիների համար:
3. Առնվազն 80% թափառող կենդանիների որս, ստերիզացում, վերականգնում:
4. Անբուժելի, կամ վտանգավոր վարակներ կրող կենդանիների քնեցում:
5. Առողջ կենդանիների պատվաստում:
6. Առողջ, պատվաստված և վերականգնված կենդանիների վերադարձ բնական վայրեր:
7. Որդեգրման գործընթացի կազմակերպում:

VIII. ՀԱՄԱՅՆՔԱՅԻՆ ՑԱՆՑԵՐ ԵՎ ՔԱՂԱՔԱՑԻԱԿԱՆ ՆԵՐԳՐԱՎՈՒՄ

- Բաց հաղորդակցության հարթակներ՝ Facebook, Telegram հարթակներում, ինչպես նաև՝ ավանդական հանդիպումներ:
- Գյուղ առ գյուղ բաց լսումներ՝ բնակիչների առաջարկների հավաքագրում:
- Կամավորների և երիտասարդների ներգրավում:

Կուսակցության ղեկավար կամ լիազոր ներկայացուցիչ



(ստորագրությունը)





(ազգանունը, անունը)